

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dialogorum sacrorum Libri Quatuor

Châteillon, Sébastien

Basileae, 1565

Gabaonitae

urn:nbn:de:bsz:31-102436

58 **DIALOG. SACRORVM**

consuletis saluti mei patris & matris, & fratrum
 & sororum, & omnium quæ habent, afferetisq;
 uitam nostram à morte. **EX.** Fidem damus: nec
 recusamus mortem, (modò ne indicetis nos) cum
 Ioua tradiderit nobis hanc regionem, ni uos bona
 fide seruauerimus. **R.** Ergo hac lege demittã
 nos per funè per hãc fenestram, quæ prospicit rur.
 Rectè est, euasistis. Nunc contendite in montes, ne
 incidatis in eos qui uos persequuntur: & ibi, dum
 redeunt, latetote triduum, post ituri. **EX.** Attende
 diligenter, quæ dicemus. Cùm ingressi fuerimus
 hos fines, tu appendes funiculum istum rubrum de
 hac fenestra, per quam nos demissi sit: conuocabisq;
 ad te totam uestram familiam. Quòd si quis è do-
 mo tua foras exierit, suo id periculo fecerit, nos
 aberimus à culpa. Quæ uerò erant apud te, easi
 quis attigerit, nos præstabimus damnum. Quòd si
 hanc rem palàm feceris, erimus liberi à iureiuran-
 do, quo tu nos obstrinxisti. **R.** Placet conditio.
 Valet. **EX.** Et tu.

SENTENTIA.

Pios aduersus impiorù iniuriam abscon-
 dere, pium est: & Deus huiusmodi officia re-
 muneratur.

GABAONITAE. Ios. 9.**ARGVMENTVM.**

Iosua deceptus à Gabaonitìs, fœdus pa-
 cisicitur cum eis.

Gaba-

Gabaonitarum legati, Iosua.

Adsumus huc è finibus remotis, Iosua & Israelita, nisi ad faciendum foedus uobiscum, si uobis ita uidetur. **I.** Fortassis habitatis in finibus his. quod si est, non est nobis fas inire foedus uobiscum. **L.** Nos quidem parati sumus dedere nos in tuam potestatem. **I.** Cuiates estis? & unde adestis? **L.** Adsumus ex terra admodum remota hinc, moti nomine Ioue Dei uestri. Audiuius enim famam eius, & quanta facinora ediderit in Aegypto, utq;

^a acceperit duos Amorrhæos reges Transiordanos, Schonem Heseboniorū, & Oggum Bassane apud Astarota. Hac de causa mandauerunt nobis nostri Senatores, & uniuersi nostrates, ut sumpto uiatico, ueniremus obuiam uobis, oblaturi uobis seruitium nostrum, & pacturi foedus uobiscum. Atque ^b ecce panes, quos domi sumpsimus in com-
 meatum, cum sumus profecti ad uos: qui iam marcuerunt, mucuerūtq; ut uidetis. Hæ quoq; lagenæ, quas repleuimus nouas, uidetis ut sint lacere. Vestimenta etiam, & calcei nostri, iam detrita sunt longitudine itineris. Quare nolite putare, nos menditari dolum ullum: bona fide agimus, & ut res est sic loquimur. **I.** Ergo componemus pacem uobiscum, uosq; conseruabimus, & id iureiurando confirmabimus.

^a tractauerit.

^b Solebant nimirum illo tempore uitores circūferre cibaria.

SENTENTIA.

Et pij interdum falluntur. Nam quo minus sunt ipsi maliciosi, eo facilius credunt alijs, eos existimantes ex suo ingenio. Itaq; cauenda pijs est credulitas: & cum columbina simplicitate coniungenda est serpentina astucia.

IOSVA. Ios. 24.

ARGVMENTVM.

Iosuz concio ad populum, in qua commemorat Iouz erga ipsos beneficia: & populus sese Iouz seruiturum promittit.

Iosua, Populus.

Avdite uniuersi Israelitæ, quamobrem iusserim uos huc conuocari, & quid Ioua Deus Israelitarum iusserit me uobis effari. Maiores uestri olim incoluerunt trans flumen, uidelicet Thara pater Abrahami & Nachoris, colueruntq; deos peregrinos. Ioua aut illinc euocauit Abrahamum, autorem generis uestri, eumq; perduxit per omnes fines Chanaanorum, & auxit progeniem eius: deditq; ei Isaacum, Isacco autem Iacobum & Esauum. Esau assignauit Seir montem possidendu. Iacobus, eiusq; liberi descenderunt in Aegyptum. Ibi cum creuissent in gentem magnam, numerosamq; & potentem, diuexabantur ab Aegyptijs: sed Deus Aegyptios mire infestauit, tandemq; eductos ex Aegypto